


HEPELEU,

KAPETULU WAMUCHIVALI ¹

 ...?...apwile hano mulizavu kaha wahilile...[Hatepu hapimbi—Muka.] Kaha jino Mukanda watete wa Hepelewu, napu Paulu, etu twawane, mokomoko etu twafwelela. Vaze vakakutanga vya mbimbiliya vali kumakumishilo; vakiko kavatachikijileko hiya, mokomoko hiya Ausonekele. Oloze, Ngwafwelela, kalamuthu na kutumbununa chachindende chamushipilitu mwamona nge apwile Paulu. Echi—echi vanachifwelela, ha visoneka vyavivulu, kupwa Paulu. Kaha omu ikiye...

² Mu kapetulu 1, etu kuwana nge chapwile nakuzezula Mwata Yesu. Mamalelo, omu ikiye anehele hamavu, na kusolola ha—ha kuhitamo lyehi chize ikiye apwilenga na mujila yakuya ku Ndamashiku. Jino, Paulu apwile, kukuputuka, mukakulinangula vyauthu. Paulu vamunangwile mwishi ya Gamaliel, umwe hali vaze vakakunagula vamwaza va likumbi lize. Kaha ikiye apwile wautongwe kaha wamangana, kaha apwile vene wakulingula Mbimbiliya.

³ Kaha Ngwawanyine echi, omwo ikiye apwilenga mujila yakuya ku Ndamashiku, na jisona mumboloso yenyi, kukasana vyosena vize vyapwile vyakukisula jila yamwaka ya Mujimbu mwaza, kaha uze lunga apwile wakushishika. Oloze, Ngunapunga lwola lwosena nakufwelela nge kufuma kuli Paulu amwene kufwa cha Setefani, Ngwashinganyeka nge chatela kupwa chakwoloka kuli ikiye. Omwo ikiye atetekelele kufwa cha Setefwani, kaha akwachile vikuto vyavaze vamwashile lilolwa, kahajino Paulu apwile na mulonga wa manyinga a Setefani. Kaha ikiye alitavilile, kaha ambile ngwenyi, “Kangweshi wakutelamoko,” ambile ngwenyi, “mwomwo Ngunamwange manyinga a Ikiye—a Ikiye, vaze vajihile, Setefwani.” Mwomwo, ikiye ejikijile kuli echi.

⁴ Kaha kachi ove naumona kalachuma, ove unapu na mulonga kupwa mukakutambwila hamwe. Shikaho kachi etu natwinjiho, kuhanjika, “Mamalelo, eyo, vakiko kavatela kulinga echiko, echi *munganji na mukananga*,” pwako wakuzakama chumamuka ove muhanjika, mwomwo ove uli namulonga mujila ya kusopesa. Kachi ove kaweshi kusakulako, kanda kuhanjika kalachuma, seza kaha echi ukawacho. Kahajino nge ove uli na kwambulula nge ove wapwa Mukakulishitu, kahajino uli na mulonga. Talenu? Ove uli namulonga wa Mukakulishitu, kaha watela kuyoya kuli chize. Kaha omwo Kalunga mwashika kupwa nge—nge lushiko

mu Mbimbiliya... Ngwamono muthu hano ali mukalikoki. Omwo Kalunga mwashika lushiko, Ikiye ali namulonga wa luze lushiko kuvangila Ikiye mwakaneha. Ikiye, Kalunga napu wa mulonga omwo Ikiye mwashika lushiko. Kaha Visoneka vili namulonga palanga Vakiko vanakuzalishiwa. Talenu? Vakiko vali—Vakiko vali vene kuze nge—nge hanjikiso ize Kalunga atungile. Kaha Echi chatela kuzalishiwa mokomoko Kalunga ali namulonga. Talenu?

⁵ Kaha shikaho Paulu, hakupwa mulongeshi, na kwiza mujila yakuya ku Ndamashiku lize likumbi, pamo, lwola lwalusuku, Ngwashinganyeka. Kuze kwapwilenga Kumunyika chachinene chamwishilile ku Melu, kaha Echi chamufwikile ikiye, kaha ikiye—ikiye aholokele hamavu. Kaha ikiye ngwenyi atondele kutachikiza Hiya. Ikiye ngwenyi Lizu lyahanjikile, kaha ngwenyi, “Saulu, Saulu, ika uli nakunguyanjisa ove Yami?” Ngwafwelela kapetulu 8 wa Vilinga.

Kaha ikiye ngwenyi, “Hiya Nguli nakuyanjisa?”

⁶ Kaha Lizu lyejile cheka, nakwamba ngwenyi, “Yami Yesu.” Mamalelo! “Yami Yesu, kaha chili chachikalu kuli yenu kuveta mumisomo.” Kaha Yesu apwilenga hiya jino? Yesu, Ikiye apwilenga Kumunyika, Kumunyika chachinene cha kumunyika.

⁷ Jino kutuzamisa etu na kupwa na chikuku hano. Omwo Ikiye apwilenga Kumunyika, omwo Ikiye apwilenga Muthu? Jino, naumwe pimi. . .

Kuze kwapwile lizavu lya maswalale na Paulu, vakakulama tembele, kuya nakushikumuka kuhaka mukunoka. Paulu apwile mukulwane wafumbelo. Kaha vakiko vapwile nakuya nakushikumuka nakukasa vaze vathu, hakuvilika chavo navyangocho, kaha ha kulifukula chavo chalutalililo luze luli mukachi kavo.

⁸ Oloze, jino, hano apwile Yesu kupwa Kumunyika chachinene. Jino, kachi enu anukenu, mukuputuka, Yesu apwilenga Kumunyika. Yesu apwilenga ize Longosi ize yalovokele kufuma muli Kalunga. Kaha Ikiye apwilenga uze. . . Ikiye apwilenga uze Kangelo wa Lushiko uze waktuwaminyina kuli vana va Isalele kuhichila mupambo. Kaha Ikiye apwilenga Panda ya Kakahya ize vakiko vatalilenga. Kaha Ikiye apwilenga. . . Kaha omwo Ikiye apwilenga hano hamavu, Ikiye ambile ngwenyi, “Ngwafuma kuli Kalunga, kaha Nanguya nakukinduluka kuli Kalunga.” Shikaho kachi Ikiye ejile nakufuma mu Panda ya mulangi wa Kakahya, kwingila muli Muthu, kahajino kachi Ikiye ayile kuze Ikiye apwilenga, Ikiye akindulukile ku Kumunyika cheka. Kaha kuze Ikiye apwilenga omwo Paulu amwene Ikiye, Ikiye apwilenga Kumunyika.

⁹ Jino, maswalale vosena vaze vapwile na Paulu kavahashile kumona Kumunyika ko. Kahajino echi chinapu chachashi kuli umwe nahase kumona Echi kaha veka kaveshi kuhasa

kumona Echiko? Punduvene. Chosena chakwoloka. Ikiye, Paulu, amwene Echi, oloze vosena mulivakiko kavahashile kumona Kumunyika ko.

¹⁰ Jino, omwo Petulu apwile mukamenga, etu tunawane nge Kumunyika chejile mu jele, kusokolola vikolo. Kaha ikiye apwile... Chize Kumunyika chahakile upuputa hali tulama vakwavo, nge omu vakiko vatambukile nakuya, Petulu kuya. Kaha omwo ikiye ayile kuchikolo, chasokolokele chachimbwa, muuholela, achisokele kuyima yenyi. Kufuma mukahi ka jele, ikiye alovokele kuchikolo. Chasokolokele hali chivene, kupwa hakamwihi mukuunda. Kaha jino ikiye ayile nakwima mulipwata, ayile nakwingila mu mbongi. Kaha ikiye atumwine meso eyi, nge kuhanjika, “Ngwapwile Nakulota?” Ikiye katachikijileko omwo chasolokele. Oloze, uze Kangelo ka Mwata, uze Kangelo youmwe uze apwilenga Panda ya mulangi wa Kakahya uze atambukile Mose kuze kukalwiji kaha kutanduula na vyangocho, mamalelo, na Dead Sea... uze Kalungalwiji Uchila kuzala kusali josena jivali, kaha Isalale kuhita helu.

¹¹ Kaha omwo Yotane nazale, Ikiye kahashile kulilingisa Lyavene kupwa wakusolokako kuze. Oloze Ikiye apwile kuze, mwomwo Ikiye asokolwele chize. Kaha vakiko vayile kusali ya Kambambanalisa, omwo chili hatoma chili cha meya. Kaha Ikiye kupwa na tambo, kaha Ikiye kupwa na mbundu kufuma mukuyengunuka, mwomwo kachahashile kupwa na mbango helu na helu; yemanyine. Ou ikiye Yehova ketu. Ou ikiye Mwata wetu Yesu. Emanyine kaha; kaha vakiko vatambukile nakuya mulifuchi lyaumu.

¹² Jino, Kalunga ashikile nge Ikiye mwaya nakuvazakamina vakiko, shikaho Ikiye apwile wakukashiwa ku lushiko Lwenyi. Jino, Paulu, kutachikiza vyuma kana, kaha kuvatachikiza, ikiye apwile nalisesa, mwomwo Kalunga apwile nakuhanjika vene kuli Paulu. Ikiye apwile nakuhanjika kuli maswalale vaze vapwilenga na ikiye. Ikiye apwilenga kaha nakuhanjika kuli Paulu.

¹³ Jino, omwo va—omwo Kangelo ka Mwata ejile nakusuluka, muchifwanyisa cha tanganyika; kaha vaze vakakutala kuvatanganyika, malunga vakuzangama vamu India, omwo, vakiko vamwene Tanganyika na kukavangiza Chize hajimiyilosi handulendi. Kaha Chayile muze mwosena mwakuhita vatanganyika, mwomwo vakiko valaminenga lwola ha vatanganyika. Kaha naumwe pimbi amwene uze Tanganyika oloze vaze malunga vakuzangama. Mamalelo, yami! Chize kacheshi kukutakako?

¹⁴ Kahajino, mwamono, Kalunga kazata na mazavuko. Ikiye kazata na mazavu a vathu ko. Ikiye eji kuzatanga na muthu ukawenyi. Ikiye kusolola Lyavene kuli muthu. Kaha jino—jino

kuhanjika echi, keshi echi...Kalunga natachikiza muchima wami. Kaha keshi kuhanjika echi hali muthu lyaveneko, kwalisa; jino, kupwa kuze. Oloze, munatachikiza, uze youmwe Kalunga, uze youmwe Yesu, ali na etu chimene chino? Munatachikiza, enu vosena kupwa na kakandende, chinjiho kupwa chinjiho haze vene jino, nge Ikiye ali hano? Kaha chili... Ikiye nalingi chumachimwe kuli etu mulikumbi lino nge Ikiye kahashile kulinga mumakumbi eka naeka; Ikiye apwile na Chifwanyisa Chenyi kuchimbata muli lino likumbi. Etu tukwechi Echi haze *vene*. Talenu? Eyi Panda ya mulangi Wakakahya, youmwe Mwata Yesu.

¹⁵ Tala omu Ikiye azata jino. Kachi Ikiye napu Mwata Yesu youmwe, Ikiye mwaya nakulinga vyuma vyovimwe, mwomwo Mbimbiliya ngwayo, "Ikiye apwa youmwe zau, lelo, na haya myaka."

¹⁶ Jino, shimbu kanda Paulu mwakaya nakuvilika kalachuma, chipwe echi chakwoloka mokomoko chakuhenga, ikiye chatete ayile mu Ejipitu kaha kupwako myaka yitatu, kuliwana kachi chapwile Chisoneka mokomoko keshiko. Mwatachikiza ngocho? Hanyima yaku Paulu, ikiye ayile ku Ejipitu ha myaka yitatu. Kuze ikiye kutwama, kaha kuze kuli kulinangula mangana amanene.

¹⁷ Jino, keshi mukupezalisa hamwe ko, Nguli kaha nakumihana enu omu Shipilitu Wajila hanga emana mwomumwe chochimwe. Jino, liuka lyami hano kwanuka, myaka kunyima okwo, omwo uze Kangelo mwaya nakusoloka kaha kuya nakusolola vyuma. Ngwapwanga wakukakasana na Echi. Enu vosena munatachikiza, enu vamwaka. Kachi enu... Kachi echi chakwoloka, katula livoko lyove, omwo enu munevu. Yaah. Tala, tala ha liuka, oloze, kufuma haze vamwaka. Talenu? Ngwapwanga wakukakasana, mwomwo vakakunangula vangulwekele Echi nge apwile liyavolo. Kaha Ngwa fwelela echi, oloze Ngwavandaminyine. Kangweshi kuhanjika chuma chimwe hali Echiko.

¹⁸ Oloze, mamalelo, kukisula chipwenga Lijina lya Mwata! Ufuku umwe, kuze, Ikiye asulukile, Kangelo, kaha achisolwele Echi mu Visoneka, nge Ikiye apwilenga. Kaha omwo Ngwamwene Echi mu Visoneka, kahajino kufuma kukukulula kufuma kukaye na Echi, ou Mujimbu.

¹⁹ Kufuma muze mwayile Oral Roberts, A. A. Allen, Tommy Osborn, Tommy Hicks, kaha na veka. Talenu? Ou unapu Mujimbu kuli vathu.

²⁰ Kaha Yesu apwa youmwe zau, lelo, na hayamyaka. Echi chinapu Chisoneka, Ikiye youmwe. Ikiye eji kulinga mwomumwe. Ikiye apwa youmwe. Kaha Ikiye eji kuzata mwomumwe. Ikiye alisolwele Lyavene chochimwe. Kaha Ikiye ali hano, chimene chino, youmwe. Jino etu tunahase kumumona

Ikiye; etu tunahase. Kala chuma, etu tukwechi chinjiho hano vene jino nge Ikiye ali hano.

²¹ Jino, etu tunawane jino nge, Paulu, hali echi kutachikiza, kaha kusoneka eji jisonoka, vavavulu vosena, kufuma mujele, ikiye kupezalisa Tasitamende Yamwaka na Yayihya. Jino anuka, mukakusoneka wamunene mu Mbimbiliya, ha kuhwimina, Kalunga ejile na kumulweka, “Kachi kala muthu mwahasa kuhaka kalachuma kuli Echi mokomoko kufumisa chuma kuli Echi, chochimwe navakafumisa mu chihanda cha Mukanda wa Kuyoya, hali ikiye.” Shikaho etu tunahase kuhaka chuma chimwe kuli Echi. Mamalelo, Echi chatela kutwama nge Echi chili, kumana kakweshi chuma nachihakilako kuli Echi. Kaha etu twatela kupwa chakutela kuhambakana vyuma vyosena vize vili muli Echi. Kangwazangile cheka nawa, kaha Kangwatondele kala chuma chachindende. Ngwatondo kaha omwo Chahanjikile.

²² Jino, ou Mukanda wa Hepelewu, ou ukiko mulonga Ngunasakula Echi; pungu yimwe, chuma chimwe; ou mukanda, “Ndumbu walunga Branham Branham,” na vyangocho. Kaha, Ngwa—Ngwa, etu twatondo kutwama na Lizu.

²³ Jino, kapetulu 1, apwile wakuzezuka muli Yesu, shikaho Ikiye napu Umwe Wakulimanyina. Kaha Paulu echa kutachikiza, ufuku ukwavo, nge Ikiye apwilenga mukuputuka chachinene. Kaha etu tunawane nge Ikiye apwile chuma cheka kuhambakana “Meuchizandeki, uze Mwangana wa Salema,” kapetulu Wamunene wa kapetulu 7.

²⁴ Kaha jino, chimene echi, etu kupandama kuli Ikiye kufuma hawimanyino weka—weka, kufuma mukapetulu 2. Jino, hanyima ya Paulu kutuhana etu echi chachinene, Mujimbu wamwaza, wakuzezula Yesu, “Kaha nakutenga Vangelo kulifukula kuli Ikiye.” Kaha Ngwashingtonyeka, hano, nge mavu, omu chapwa chamwaka: “Kaha Ikiye mwaya nakukoneka chikuto, oloze vakiko navakaya nakunonga, oloze Ove naukasala.”

²⁵ Kaha mu kapetulu 2, mokomoko, vasi 2, Ngwafwelela echi chili, “Kumana Ikiye awa makumbi kuhanjika kuli etu kuhichila muli Mwa Nenyi.” Kaha, tala, “Mulwola lwakunyima na mujila jakuhandunuka Ikiye ahanjikile hali tupolofweto.” Etu twahichile na kuwana tupolofweto vapwile, kaha omu Kalunga anehele Mujimbu Wenyi na tupolofweto. “Oloze mu likumbi lya makumishilo Ikiye ahanjikile kuhichila muli Mwa Nenyi, Yesu, hali Shipilitu Wajila. Ikiye ahanjikile kuhichila muli tupolofweto, kahajino.” Kahajino etu twakinduluka na kuwana, vosena vase tupolofweto vapwile na Shipilitu ya Kulishitu muli vakiko.

²⁶ Etu twayile kuli Yosefwa kumuwana ikiye nachifwanyisa chakukupuka cha Kulishitu. Ayile cheka kuli Mose na kuwana

ikiye chifwanyisa chakukupuka cha Kulishitu. Kahajino etu twejile nakushikumuka jino na Ndavichi. Kaha omwo Ndavichi muze mu Yelusalema, kuhona kutachikiza mwomwoika, oloze ayile hapili na kutala kunyima, ha Pili ya Milive, kaha alilile hali Yelusalema mwomwo ikiye vamuhungile. Myaka eyite handulendi kufuma haze jino, uze Mwana Ndavichi vamuhungile nge Mwangana, mu Yelusalema, kaha kutwama hapili na kulila. Mamalelo, eyi Shipilitu ya Kulishitu, kuzata na muthu hakapaji!

27 Jino, Paulu aputukile, kuhanjika:

Shikaho chatela kuli etu kotalisa kanawa michima yetu kunyuma vize tvevwile, . . .

28 2kapetulu, jino, etu twaputuka.

Shikaho chatela kuli etu kotalisa kanawa michima yetu kunyuma vize tvevwile, kuchina. . . hamwe natuhungumukako.

29 Mamalelo, echa Kalunga kwendesa echi kwimbo chimene chino. Ngwalombo Shipilitu Wajila mwaya na kujimika mukachi kamichima yenu. “tu twatela kotalisa kanawa ku vyuma vize etu kuvyuma tvevwile.” Muyachi wa vathu omwo twatela etu kupwa, omwo etu natumona Yehova wamunene kwiza na kulinga vyuma vize Ikiye eji kulinganga, kaha kumona vakiko kupezalisa, Chisoneka ha Chisoneka, nge vakiko vanapu Muchano? Kaha etu kutwama nakujinguluka lwola lumwe nge mazakwila hamutondo, kaha vyangocho. Etu twatela kupwa vakuzeya, kala munyutu, kweseka kupwa na vathu kuli Kulishitu. Etu twatela kupwa malolwa wakuyoya. Etu katwatela kupwa vakushipwokele nge vakiko. Etu natuya kuliuka, kaha etu natuya nakumona Mwata Yesu kulinga chuma chimwe, mokomoko—mokomoko kutukisula mujila kana, kaha jino etu natuya—etu natuya nakukinduluka nakuhanjika, “Kuli kuliwana chamwaza.”

30 Jino, kunangula cha Lizu, etu twachivwisa echi, oloze chize kacheshi chuma chiveneko. Echi kacheshi ngochoko. Etu kwatela kulifukula kuli Mwata kupwa hanyima etu kuhita nakunangula lize Lizu, nge etu kakavulu, kulifukula kuli Ikiye. Echi chamwaza. Oloze etu twatela kulifukula Ikiye lwola lwoyena wa kuyoya chetu. Omwo etu tuli hamulimo, etu twatela kulifukula Ikiye. Kalalwola lisesa kulihana yavene, kulifukula Mwata hakumwambulula Ikiye.

Kachi enu namumona, vamwe muli mapwevo, kumona pwevo mukuhenga, kulifukula kuli Mwata ha kuhanjika chenyi na kuhanjika, “Ndumbu wapwevo, kuli chiyoyelo chamwaza kuhambakana echi.”

31 Enu malunga veji kuzata milimo yenu, omwo enu namwivwa muthu kuzachisa Lijina Iya Mwata mwamokomoko, kupwa na chihela kusali yimwe na kuhita kaha, kaha kumumbata

na livoko, kaha kuhanjika, “Ove, kuli chiyoyelo chamwaza kuhambakana echi. Ove kawatela kuzachisa mazu aze.” Kaha kwambulula mukulikehesa, jila yakulikehesa. Vyuma vyosena kulifukula.

Kaha omwo etu natumona muthuumwe kuviza, kaha ndotolo ngwenyi kakweshi cheka chinahase kulingikako, etu twatela kulifukula Mwata ha kuvalweza vakiko, “Kuli Kalunga wa Mwilu eji kukumbulula kulomba.”

³² Kaha jino omwo etu kumona vyuma kumbata chihela, chize etu kumona chihela na kulinga, etu katwatela kwecha vyuma kuhitako. Etu katwatela kwecha vihite muminwe yetu. Ou ukiko ukalu na liuka lyalinene lya Chipendekosita. Vakiko vaneche mwezu wambuto kuhita miminwe yavo, omwo vakiko vapwile nawo mumavoko avo. Oloze, tala ika vakiko vanalingi, vakiko valingile nge mauka osena. “Vakiko kuya mukungalanya-. . . mujila ya Korah, na kunonga; kaha mujila ya Kena, nakunonga mukuhanjika cha Korah.”

³³ Vakiko vanalivwasana. Kachi vapwenga na undumbu kuze etu tunahase vosena kupwa umwe, vakiko vanalivwasana vavene. Kumulingisa kupwa kulikungulula chachindende kaha isms chindende, kaha kulovoka kufuma kuze kaha kuhokola undumbu. Kaha kachi enu kamweshi kutala kanawako, va Mbaputishiti na Pulishitelyani kuya nakumbata chize, mwomwo, “Kalunga nahase kuli awa malolwa kufumisako vana va Apalahama.” Kaha etu—etu kwecha kuhita kufuma mumavoko hakulizeneka kulinunga.

³⁴ Omu mukiko va Indians veji kujimbalisanga lino lifuchi kuli muthu utoma? Chili mwomwo vakiko vapwile vakuhona kulinunga. Kachi vakiko vapwile na chumachimwe chachinene kulutwe. . . Oloze vakiko vapwile nakuzunga umwe namukwavo. Vakiko vapwile nachikuku kachi vakiko neveza hamwe.

³⁵ Natuya ngachilihi nakujobalisa echi? Mwomwo etu katwaliwanako. Omu etu twajimbalisa kutachikiza na Kalunga, mwomwo etu katwalinungako. Etu kutwama umwe, na kuvuluka *echi*—va Mesondisiti, na *ava* va Mbaputishiti, na *ava* va Asembuli, kaha *echi* va Waninesi, kaha *echi chuma chimwenawa*, kaha liuka lya Kalunga, na Nazaleni, va Pilgrim Holiness. Etu kuhonesa Mujimba wa Kulishitu kuhona kuliwana. Etu katwatela kulipangununako. Etu tunahase kulimbalaka havishinganyeka, oloze tupwenu vandumbu vamuchima na muchima. Kalunga natondo etu kupwa. Ikiye afwilile ha Liuka lyosena lya Kalunga. Kaha etu katwatondele kupwa vakuzeneka kulinunga.

Jino *chatela kuli etu* kutalisa *kanawa. . . kuchina* kalalwola *etu kuchina hamwe natuhungumukako*.

Mwomwo kachi nge mazu aze akuhanjika muli vangelo apwile *akuzama, . . .*

³⁶ Enu munevwu Echi? “Kachi lizu ngwalyo kuli vangelo. . .” Jino, *kangelo* napu “muluwa.” Eli lizu lya *kangelo* kulumbununa “muluwa.” Kaha kupwa nakuhita, mumukanda wa 1 hano, “Kalunga, mulwola lwakushikulu na mujila jeka najeka, kuhanjika kuli vakakuluka kuhichila muli tupolofweto.” Uze apwilenga muluwa wa Kalunga. Kaha vakiko vapwile, kachi vakiko vapwile va miluwa ja Kalunga, vakiko vapwile vangelo ja Kalunga. Muluwa napu kangelo; mokomoko kangelo napu muluwa, mukiko.

³⁷ Muluwa! Ove unapu muluwa, chimene chino. Ove unapu. . . Ove unapu muluwa wa mujimbu wamwaza mokomoko mulwa wa mujimbu waupi. Mamalelo, echi kacheshi chamwazako, kutachikiza nge etu tuli muluwa wa wangana, uze etu twapwa vangelo, vaze miluwa ja kusanguka? Kaha etu twapwa miluwa ya Kalunga kupwa kaye kamukashili, nge kuyoya cha Kulishitu. Mukachi ka michima yetu, Ikiye ayoya. Mu mashipilitu etu, Ikiye ayoya. Kaha Ikiye kuneha etu kufuma mwishi ya shili ya kuyoya, kaha kuzezula helu, kaha kutuhana etu “haleluya” mu myono yetu, kaha kutulingisa kupwa jitengeso jajihaya. Etu tuvaluwa, vangelo va Lushiko. Omu chawaha!

³⁸ Kaha jino, mu Tesitamende Yamwaka, “Kachi—kachi eli lizu ngwalyo kuli vangelo vahanjikile,” ize jila yatelele kupwa ya kwoloka. Mu Tesitamende Yamwaka, shimbu kanda lizu lya kapolofweto nalisoloka, lyatela kupwa na kumuhasa kaha kwinjikiza. Vakiko kavakasunukile nachizeko, nge omu tuli lelo.

³⁹ Kuya nakulovoka kaha kupwa namuyachi wa kwivwa, mokomoko kalachuma nawa, “Mamalelo, upahu kuli Kalunga, chize chili!” Ove unaluwisa.

Eyi Mbimbiliya yahanjika ngwayo, nge, “Mumakumbi akumakumishilo, liyavolo mwakaya nakufwanyisa Ukulishitu, shikaho hakamwihi, palanga nomu nachiya nakuhungumwisa navaze vene vaku Sakula kachi chahashile.” Echi chakwoloka. Shikaho, etu twatela kweseka echi.

⁴⁰ Kaha vakiko valingile ngachilihi mulikumbi lyavo? Ku Ulime Tumime. Chize chipwiko cha Alone, chize chapwile na malolwa muchikiko: carbuncle, jasper, diamond, ruby, sapphire. Malolwa osena, chize kwimanyinako kusemuka cha vakakuluka likumi navavali, apwile muze muchipwiko cha Alone. Kaha omwo kapolofweto apolofwetele, kaha chize Kumunyika chakujila kumunyika hali echi, Kalunga ambile ngwenyi, “Ou ukiko Muchano.” Oloze, numbathuhu nachisoloka kupwa kanawa, kachi kacheshi kumunyikako, kachapwile Muchanoko. Shikaho, uze Ulime Tumime kuya na uze upilishitu.

⁴¹ Oloze eyi Mbimbiliya ya Kalunga ikiko Ulime Tumime ya lelo. Kaha omwo kapolofweto mwapolofweta, chatela vene kumunyika na Mbimbiliya. Kahajino, Kalunga ngwenyi, kahajino Ikiye mweza nakusuluka na kwinjikiza Echi.

42 Mamalelo, na Ngumutohwesa Kalunga ngachilihi lelo! Nguli nakushinganyeka kunyima ya Chalumingo chimene chikwavo, hali echi, omwo Ngwapwilenga nakuseza mbalaka. Kaha enu vathu muli nakulila nakunguhula yami keshi kuya ko. Oloze, omwo, Ngwanangwile hali Ndavichi na Ngolyate, kaha omu nauya nakulihumangana na kututa, kaye kakuhandnuka nakuhajika makumbi avikomwesa ahita lyehi.

43 Ngwambile ngwami, “Kuli umwe wamunene, kaha hazevene etu kumusweka ikiye, vosena kuya nakupwa na kumika.” Kaha Mwata tuhane chize. Kaha jino kuze kwapwilenga ka Oral Roberts kaha Jagers, na vyangocho, kufumisa Poko yamukwale, kaha etu twatela kuzungisa mukakole kufuma mulifuchi, kusoka mutunwa twavo. Vakiko kaveshi kuhanjika nge vikomwesa kavyeshi kusolokako, mwomwo vikoko evi vili hano. Punduvene. Lizu lya Kalunga linapu lya Hayamyaka. Chize kutemwina ha Ulime. Kutemwina haze Lizu, Uze Ulime Tumime. Kaha omwo nachitemwina Haze, chapwile chakutamoo.

Kaha kuli kala muthu natondo, kachi ove umuka shili, ove unatondo kutachikiza mwakulwila, “Kufwelela hali Mwata Yesu Kulishitu.”

44 Lelo, etu tukwechi vyuma vyavivulu enu mwatela kulinga. “Kutala mapapilo amahya. Ove watela kulinga *echi* na kulinga *chize*, mangana vavalwile.”

Ngwashingtonyeka uze mukakulama ku jele waku Fwilipu, omu uze mukakulama ku jele mukiko ahulile Paulu, “Chumamuka Ngwatela kulinga mangana vangulwile?”

Chinahase kupwa ove mokomoko Yami, etu kachi vamulwekele ikiye vyuma kana ikiye *kateleko* kulinga. “Ove watela kwecha kunwa. Ove watela kwecha wiji wove—wove. Enu mwatela kwecha *echi*. Enu mwatela kwecha chize.”

Paulu kamulwekele ikiye ngachize. Ikiye amulwekele ikiye vyuma ikiye *atela* kulinga. “Fwelela hali Mwata Yesu Kulishitu, kaha ove nakulwila.”

45 Jino, “Wosena mwevwa Lizu Lyami na kufwelela hali Uze angutumine Yami ali na Kuyoya chahaya myaka na myaka yosena.” Ize ikiko Ulime Tumime, Mukakujila Yowano 5:24. “Yami Yehova uze mukakuka misongo yenu yosena.” Yakova 5:14, “Sanyika vakulwane, vakuwavise maji, kulomba cha lufwelelo nachimulwila uze naviji.” Ize Ulime naveso. Talenu? Lize likiko Lizu lya Kalunga lya Hayamyaka.

46 Kangwalizakaminako vangahi va vakuzeya, vakuzeneka kushishika, vakuhona kufwelela, vakakukakasana kukatuka. Kalunga mwaya nakwimana na Lizu Lyenyi. Ikiye ashikile Ikiye kulinga echi.

47 “Kaha etu twatela kupwa naunyongochima kuvyuma evi etu tvevwile, ngechiku kalalwola etu navihungumuka. Mwomwo

kachi lizu vahanjikile kuli vangelo (vaplofoweto) apwile akwimana. . .” Vakiko vapwile? Etu tunahase kumbata mulungu uno muli echi.

48 Apwile akwimana omwo Mose ahanjikile? Mukiko apwilenga.

Ngachilihi Elija, kutwama helu lya pili? Mukiko Mwata amulwezele ikiye, “Kanduka kuze, Elija. Nanguya nakutwama na ove; kutonda kupwa nakulikata.” Kalunga azanga kulikata na vathu Jenyi. Oloze etu katweshi kuhasa kwimana nakushimbula chikumako hali Ikiye kulikata na etu. Etu tunapu vakukashiwa chikuma, kufuma muchihela nakuya kuchihela, kaha navyangocho. “Twama kulu, Elija.” Ikiye atondele myaka yitatu na tukweji sikisi ya kulikata. Etu katweshi kuhasa kumuhana Ikiye minyutu yitatu, kahako. Myaka yitatu na tukweji sikisi yakutwalilaho kulikata. Mamalelo, Ngwazanga chize! Ambile ngwenyi, “Kanda kulizakaminako ha kuteleka; etu natuya nakukulingia. Ava makololo navaya nakukulisa. Kaha vyuma vyosena naviya nakupwa kanawa. Ngwatondo kaha kulikata chimwe.” Uze kaplofoweto wakashinakaji, Elija, natwame haze helu lya pili, shimbu ikiye apwilenga nakulikata na Kalunga, mwomwoika, uze kapitawu ambile ngwenyi, “Ngwafwelela Nanguya nakumumbata ikiye.” Jino, kanda enu kweseka kuhokola echi kulikatako.

49 Shikaho, kapitawu ejile, na maswalale jenyi va malunga, mu fifite. Kaha ikiye ngwenyi, “Nangu—Nangu—Nangukutwala ove, Elija.”

50 Kaha Elija emanyine. Tala, hano hali kaplofoweto ka Yehova! Ikiye ambile ngwenyi, “Kachi Nangupwa ngamba ya Mwata, echa kakahya kufuma mwilu na kala musongo.” Kaha asulukile kakahya. Uze kapitawu ambile ngwenyi. . .

51 “Mamalelo, munatachikiza chuma muka?” Uze mwangana, eyo, ngwenyi, “Chize chapwa vene na—na utenu, kupwa kaha miveso kuhitaho, kaha kuvaveta. Nanguya nakutuma fifite vakwavo.”

52 Elija emanyine, umwe ahli vase vangelo, lizu lyenyi kupwa lya kwimana mbe. Ikiye atela kukindulwisa ha vyuma vimwe vyalingikile mwakuhenga. Ikiye ambile ngwenyi, “Kachi Nangupwa ngamba ya Mwata, echa kakahya kwiza.” Kaha vase fifite yamuchivali kuwema. Chosena chakwoloka. Kala kukindulwisa!

Mwomwo kachi nge mazu aze akuhanjika muli vangelo apwile akuzama mbe, kaha kachi nge kuzombojoka chosena na kulikanga chosena vyamwene fweto yakwoloka. . .

53 Jino, hano hakiko hali chuma chachinene, vasi ikwavo.

Kaha etu natukapulukamo ngachilihi, . . .

54 “Natuchina ngachilihi?” Kachi Lizu lya Elija navawenyeka, mwomwo ikiye apwile kangelo ka Mwata, natuchina ngachilihi omwo Lizu lya Kulishitu kuhanjikilamo? Mokomoko, etu natuhonene ngachilihi omwo vakulombebele, kachi Lili Lizu lya Kulishitu? Kachi Kulishitu atongwele Liuka Lyenyi kulombelela vakakuviza, kaha Liuka linalingi chuma Ikiye mwahanjika Ikiye...mwomwo vakiko veji kulinganga, kahajino Echi nachihona ngachilihi? Echi kacheshi kuhasako. Ove unahase kuhona, oloze Echi kacheshi kuhasa kuhonako. Kaha kachi nge ove mulame Echi, Nachiya nakukumbata ove kuhichila.

55 Kachi ove unahono, ove wahonene ove lyavene. Ove fuma kaha ku Lizu. Oloze kachi kaha enu namutwama na Lizu, Kalyeshi kuhonako. Mwomwo lizu lya tupolofweto valingile *munganji mukananga*, nachihambakana Lizu lya Kulishitu kupwa ngachilihi?

Kaetu vene natukapulukamo ngachilihi, hakuhumbula ulwilo waunene ngana; ou vene omu vali vangilile kuwvuluka muli Mwata, vaze vevwileko vauzamishile muli etu;

56 Shinganyeka hali Echi, kuhanjika kuhichila muli Mwata. Lwola lwaluvulu etu tunahase kukinduluka? Kulihi etu tunahase kwimana, hano vene ha ola? Omwo Yesu ejile, Ikiye youmwe zau, lelo, na hayamyaka.

57 Jino, anuka, chatete kuputuka vahanjikile muli Yesu, Lyavene, kaha jino vamwinjikijile kuli vamwe vaze vamwivwile Ikiye. Jino ivwulilenu kuli Ikiye.

58 Omwo Ikiye ejile hano hamavu, Ikiye kalivulukile kupwa mukakuka ko. Ikiye ngwenyi, “Keshi Yami uze eji kulinganga milimoko; shina Tata Yami atwama muli Yami. Ikiye eji kuzatanga milimo. Uze Mwana keshi kuhasa kulinga chuma chimwe muli Lyavene, oloze chuma Ikiye mwamona Ise kulinga,” Mukakujila Yowano 5:19.

59 Tala omwo Fwilipu ejile kuli Ikiye. Nathanael...Hanyima ya Fwilipu kuhanjika, ikiye ayile cheka na kumbata Nathanael. Ngwenyi, “Twaya, talenu Hiya etu tunawane: Yesu waku Nazaleta, Mwana Yosefwa.”

60 Kaha ikiye ambile ngwenyi, “Kunahase kupwa chuma chamwaza chakufuma mu Nazaleta?”

61 Ngwenyi, “Twaya, talenu.” Omu mukiko chatela kukunyukisa: kwinjikiza Echi. Twaya na kumona. Mamalelo, chize chikiko mwamwaza Ngwevwile. Kwiza na kuwana kuli enu vavene. Kanda kwimana kuweluka nakutoleka kusali yamukana, oloze, “Kwinjikiza vyuma vyosena, kaha kukwachilila kukulivuluka kupwa chamwaza.” Twaya na kumona.

62 Mujila jikuya, kuhanjika. Omwo ikiye atambukile nakwiza Kumeso a Mwata Yesu, Ikiye ambile ngwenyi, “Tala ka Isalele muli uze mukakutwaminyina.”

63 Chize chambachile chikova chosena hali ikiye, hakamwihi. Ikiye atalile nakujinguluka, ambile ngwenyi, “Chamwaza, Lapi, lwola muka Ove unangutachikiza yami? Ove kanda lyehi ngumone yami. Unatachikiza ngachilihi yami?” Fwilipu ambile ngwenyi. . .

64 “Shimbu kanda, omwo ikiye nakusanyika. . .” Ambile ngwenyi, “Shimbu kanda Fwilipu akusanyike ove, zau, omwo ove wapwile mwishi ya mutondo wamukuyu, Ngwakumwene ove.” Amena.

65 Ikiye ambile ngwenyi, “Ove yove Mwana Kalunga. Ove unapu Mwangana wa Isalele.”

66 Pwevo atambukile nakwingila Kumeso Eyi, kaha Ikiye ambile ngwenyi, “Yako, kambate lunga lyove.”

Ikiye ambile ngwenyi, “Kangweshi naumweko.”

67 Ngwenyi, “Echi chakwoloka. Enu mukwechi faifi, kaha umwe enu muli jino nakuyoya keshi namilonga yenuko. Enu munambulula muchano.” Shinganyeka hali echi.

68 Ikiye ambile ngwenyi, “Mwane, Ngunamono ngana nge Ove wapwa uka Polofweto. Chize, etu tunatachikiza nge omwo Meshiya mwakeza Ikiye mwakaya nakutulweka etu vyuma vyosena.”

69 Ikiye ambile ngwenyi, “Yami Vene, chize kuhanjika kuli ove.”

70 Kaha ikiye alahile na kumulweka malunga vamumbongi, “Twaya, mumone ou Lunga Uze angulwezele yami vyosena vize Ngwalingile. Kumana ou Meshiya ko?” Vachambile ngwavo kuhichila muli Mwata.

71 Chasolokele ngachilihi? Yesu ambile ngwenyi, shimbu kanda Ikiye aseze, “Vyuma vize Ngulinakulinga, namukayilinga nayenu nawa.” Echi chakwoloka? “Vyuma Ngweji kulinganga namukaya nakuyilinga nawa, kuhambakana nevi, mwomwo Nanguya kuli Tata.” Mamalelo, Ngunahase kuvamona vakiko nakuya, kwosena. Mako 16, “Ayile kwosena, kunangula; Mwata kuzata navakiko, kwinjikiza eli Lizu.”

Kaha hano, Paulu, kuhana chuma chochimwe. Ikiye ambile ngwenyi uze—uze Mujimbu wamwaza kuputuka kunangula hali Yesu, kaha apwile wakwinjikiza kuli etu hali vaze vamwivwile Ikiye. Lize likiko Lilolwa Iya Chikuku. Mamalelo, kukisula chipwenga ku Lijina Iya Mwata! Lize likiko Lilolwa Iya Chikuku.

72 Kaha kushinganyeka, myaka yivali yamasauzande kuhita. Vakakuhona kutachikiza kukatuka, kaha vakuhona

kufwelela, navakakukakasana. Oloze, lelo, uze youmwe Yesu eji kwinjikizanga Lizu Lyenyi mujila yoyimwe na vaze veji kwivwa Ikiye. “Mwivwulilenu Ikiye,” kanda kaha kwivwa mujimbu kahako. Echi chinatwale, kwivwa *Ikiye*. Eyo.

⁷³ Natuchina ngachilihi? Kuchina chetu chilikulihi? Mamalelo, enu ngwenu, “Vamukisule Kalunga, Ngwapandama kuliuka Iya Mesondisiti. Yami ngumuka Pulishiteliyani. Yami ngumuka Pendekosita.” Echi kacheshi nachuma chimwe chakulinga naechiko. Kaha ove unahase kuya kusali yikwavo na kutonda kusanyika Echi “mashipilitu, mokomoko kutahisa, mokomoko kala liyavolo,” mokomoko chumachimwe. Sonyi hali vakiko!

⁷⁴ “Kachi kala lizu lyapwile lyakuzama mbe hali vangelo . . .” Yesu ambile ngwenyi, “Echi kacheshi . . . Chindende kaha, kaha kaye kakeshi Kungumonako chekako. Oloze, enu namukaya Nakungumona, mwomwo Nangukapwa na enu, na muli enu, nakusongo ya chisemunuino.” Kaha nge twamumono Ikiye kwiza hamavu, kutwalilaho kwinjikiza Lizu Lyenyi, natuchina ngachilihi kachi etu natwononoka kuliliuka limwe, mokomoko vikungulwilo vimwe, mokomoko chikungulwilo, mokomoko vamwe vavandende vakuhichilila kutanga chove lyaven? Ove watela kukasununa. “Mwomwo kala shili yatambwile kuzangamisa kuli vangelo, kangahi omwo Mwana Kalunga ali nakuhanjika kufuma Mumelu, kwinjikiza Lizu Lyenyi! Kaha etu natuyinyina ngachilihi, kachi etu natulama ulwilo waunene?” Mamaah, yami! “Kalunga nawa . . .”

Vasi 4:

Kalunga nawa asolwele unjiho navakiko, . . .

⁷⁵ Tala echi. Ou Mwata kupwa chinjiho. Mamalelo, Yami ngunawahilila hali chize! Uze Mwata apwilenga chinjiho.

⁷⁶ Tala. Omwo Elija atwamine hapili, kaha ikiye ngwenyi, “Kachi Nangukwa muthu wa Kalunga, echa kakahya kuholoka kufuma Mwilu na kukwenyeka.” Kalunga apwile chinjiho nge ikiye *apwilenga* muthu wa Kalunga.

Kalunga lwola lwosena eji kupwanga chinjiho. Chiyoyelo chove nachiya na kupwa chinjiho. Ngunahono kutachikiza unjiho wove uka, oloze chiyoyelo chove cheji kuhanjikila helu, lizu lyove kaveshi nakulivwako. Oloze, kuyoya chove—chove, kuyoya chove cha hakumbi hakumbi nachiya nakuvilika ove unapu chumamuka. Kalunga kupwa chinjiho. Eyo. Ou Shipilitu Wajila apwa katachikijilo, kaha katachikijilo kumbata vyosena vivali kusali ya lipapilo. Vakiko kumona ove kwimana *hano* na kumona nge omwo ove mufumako. Keshi kaha muliukako oloze kuzata chahakumbi hakumbi. Ove vakujika kusali josena jivali, mukachi na kuweluka. Ha kuwahilila nge ove uli nacho, kaha ha kuyoya chize ove nautambula, ove vakujika, na kuweluka, nge ove unatachikiza nge ove vanakulwili kaha kaye kanatachikiza nge ove vakulwila, ha chiyoyelo chize ove wa kuyoya, mwomwo

Kalunga eji kupwanga chinjiho. Kukisula chipwenga Lijina Lyenyi Lyajila! Yami, Ngulinakwivwa kulifukula!

⁷⁷ Shinganyeka hali echi, vandumbwami, kuze. Mamalelo! “Mikoko jami veji kwivwa Lizu Lyami, kaha ngeji kaveshi kavakukavangiza ko.” Mamalelo, omu aze majina ali mulivoko lya mavoko eyi! Echi chili kumeso Ikiye, likumbi na ufuku. Lizu Lyenyi lwola lwosena chinapu kumeso a Ikiye, lushiko Lwenyi. Ikiye keshi kuhasa kuvulyama echiko. Kaha Ikiye akuzanga.

⁷⁸ Jino, Ikiye mwakaya nakukwingisa chinjiho cha Ikiye Lyavene. Ove kaweshi kusokolola mukanwa kove na kuhanjika lizu, kaye kanatachikiza chuma chimwe chinasoloka kuli ove.

...kupwa na unjiho, na vyuma vyakukomwesa na vilinga vyangolo, vyeka na vyeka, na mawana a Shipilitu Wajila, kutesekeza na pungu yenyi?

⁷⁹ Echa tumbate Chisoneka chimwe jino shimbu kanda kusoka; ha Likumbi lya Pendekosita, omwo vakiko vanatambula Shipilitu Wajila. Pamo makumbi awana, Petulu ahichile muze kuchikolo vavulukilenga ngwavo Kuwaha, ikiye na Yowano. Vakiko vambile ngwavo, “Tala hali etu,” kuli muthu. Kaha ikiye ambile ngwenyi, “Palata na ulu Kangweshi naumweko, oloze Nanguhana ove. Mu Lijina lya Yesu Kulishitu waku Nazaleta, katuka na kutambuka.” Kaha uze muthu atalile helu kaha kahashile kumuhula chuma chimweko. Ikiye emanyine kaha ayile nakutambuka. Vakiko vapwile vakuhona kutachikiza kaha malunga vakuhona kutanga. Oloze eyi Mbimbiliya ngwayo, “Vakiko veji kuvatalilila kuli vakiko, mwomwo vakiko vatachikijile nge vanapunga na Yesu.”

⁸⁰ Ndumbu walunga, omwo kaye kanatachikiza nge ove unapunga na Yesu, omwo ove unahase kuyoya chiyoyelo chakuzeneka ujila muno mukaye kaha muli yino milima, nge kaye kanatachikiza na kumona nge ove unapu na Yesu, omwo uze wakufwakuluka lihule mujila nahase kupwa pwevo wakalemesa, wakukosa mu Manyinga a mwana Mukoko, Kalunga alinakusolola unjiho nge Ikiye ayoya.

⁸¹ Mbata chitakwa, uze alinakushimuka chindende ikiye kulahila kuli pwevo lyehi, nge ikiye mwaya nakuyanjisa vana, kaha kumbata kulyakufuma kumesa, kuhana uze lihule. Echa ikiye apwenga na Yesu lwola lumwe, ove muya nakumumona ikiye ahakukinduluka, nge Mukakuzaluka, uze neza nakupwa kanawa nakuvwala, kuli vakemba jenyi na pwevo lyenyi navakuzanga jenyi. Punduvene.

⁸² Lwola lumwe kunyima okwo, munahichi fwote kunyima okwo, omwo chize kulifukula cha kaye kaliwanyine, kaha vamwe vakuhandunuka vakatukile nakuhanjika. Kaha Mohammedan kuhanjika ha kulifukula cha Mohammedan. Va Jains kuhanjikila va Jains; va Buddhist kuhanjikila va Buddha. Kaha omwo uze ndotolo wamundende, Ngwavulyama lijina

lyenyi omu apwilenga, halwola luno, Ngunahono kutachikiza lijina lyenyi, oloze Ngunavulyama, ikiye ahanjikile nge kwimanyinako Vakakulishitu, kaha ikiye ahanjikile mujimbu wa Pwevo wakalemesa Maccabee waku Oklahoma, mu America.

Ikiye apwile chikuma nge lihule kaha wakushikumuka, chipwe vakiko vayile nakumujiha, vakiko vahonene numba kuhaka mavoko avo hali ikiye, ikiye apwile wakahanjikiso yayipi nakasautu. Vakiko vamunokesele hamulonga: kunwa makanya; kutambukisa mbasi; kaha kuhokola jize—jize jishimbi, kwivwakana mu Oklahoma, omwo ikiye ahichile mujila, kwendesa tuvalu vawana. Kaha ikiye apwile waukenya kaha wamajilo palanga ngalila kayahetela numba kuli ikiye ko kuze ikiye apwilenga; chikumanyi, palanga omwo vakakusopesa vayile nakumusopesa, vakiko kavahashile nakumusukikako. Vakiko vahingunuine makanya na mangona hali ikiye, nakumujiha.

Kaha omwo uze mukakunangula wamundende ambulwile ou mujimbu, mujila kana, palanga ikiye apwile na vathu vatwame kuze kusongo ya vitwamo, kkwivwulila chumamuka nachishisaho. Omwo ikiye ahetele nakuze: kupwa waukenya, majilo, kupwa wakushikumuka, palanga jishimbi kajahashile numba kutonda kusesaka naikiyeko, ikiye apwile wakushikumuka. Ou liyavolo wa hetese mwaya kukana uze muthu, hakamwihi, mujila ikiye amulwekele mujimbu. Jino ikiye ambile ngwenyi, “Wautongwe mukakulifukula wa kaye, kutala kulifukula chove kupwa nakalachuma chize nachotomesa mavoko auze Pwevo wakulemesa Maccabee?”

⁸³ Vosena vatwama kulu. Kahajino ikiye asakwililile mavoko eyi hamwe, kaha atumbukile helu mupeho. Ikiye ambile ngwenyi, “Upahu kuli Kalunga! Aze Manyinga a Yesu Kulishitu kaweshi kaha kuhasa kaha kutomesa mavoko enyi kaha, oloze Na muchima wenyi utoma na kumulingisa Mwenga Wenyi.” Kukulweka ove:

Likoji lyakukomwesa! omu chiyema vene,
 Chize chalwilile papu wakufwana nge yami!
 Ngwapwile wakujimbala, oloze jino
 Vananguwane,
 Ngwapwile kapuputa, oloze jino Ngunamono.
 Linapu likoji lize lyangunangwile muchima
 wami kwivwa woma,
 Lyapwile likoji lyafumishile woma;
 Omwo chawaha lize likoji kusoloka
 Ola Ngwafwelelele chatete!

⁸⁴ P unduvene. “Natuchina ngachilihi, kachi etu natuhumbula chumakana?” Ove nge muhumbula kukulya, ove muya nakufwa. Ove nge muhumbula halifumbila jila, ove muya nakulyenyeka. Ove nge muhumbula kufumisa mavele kuli ngombe, ikiye

mwaya nakuma. Ove nge muhumbula mazo ove, ove muya nakuwafumisamo osena. Punduvene. Ove muya nakufweta hakuhumbula.

⁸⁵ Mamalelo, Mbalaka ya Branham na enu vangeji, echa ngumilweke chumachimwe jino. Enu nge namuhumbula kwambulula upahu wa Kalunga, ove nge muhumbula kuhana Kalunga kwalisa na upahu, ove muya nakuwana ovelyavene unatutu, salusalu, kaha wakulimbuka, makumbi amwe awa. Ove watela kwalisa Kalunga. “Natuchina ngachilihi, kachi etu natuhumbula ulwilo kana waunene?”

⁸⁶ Kunatoko lyehi. Ngunatondo kusoloka hakutachikiza Ndumbu walunga Thom, uze atambukile kunyima kuze. Etu natuya nakusoka na kutwalilaho ufukuuno, nge Mwata netava.

Echa tulombe chindende.

⁸⁷ Ove Tata wa Mwilu, kuli Ove kupwa kukisula, na kwalisa, na kavumbi, na upahu, na mangana, kaha undume, na ngolo, hayamyaka namyaka. Mamalelo, kuli uze Mwana mukoko uze atwamine ha Litanda, chiyulo na mawangana kaha vyuma vyosena vavahanyine kulivoko Lyenyi. Omwo Ikiye asangukile kufuma kuvafu, mangana kutuvulukila kwoloka, Ikiye atambakanyine chakaye, “Ngolo josena ja Mwilu na mavu jili mulivoko Lyami. Yenunga, shikangaho, mukaye kosena na kunangula Mujimbu wamwaza.”

Ove sepa Mukoko wakufwa, Manyinga Ove
amwaza

Kayeshi kujimbalisa Ngolo jacho,
Palanga nomu naukula Liuka Iya Kalunga
Kupwa Iya kulwila, likahone kuvulumuna.

⁸⁸ Tukafweko, nge vakakuzata, kumona nge etu tuli nakukulisa chikuma; omwo etu twatela kupwa na liuka, etu twatela kupwa *nechi*, etu twatela kupwa na vyuma vyosena.

⁸⁹ Mapwevo jetu, shimbu kanda kuya kuliuka, valisanyika vavene kupwa Vakakulishitu, navakaya nakupwa na muyachi umwe wandlejeji, mokomoko kupwa wakuvwala wakupalakanya.

Kaha vakakunangula navaya nakupwa na jimbongo chikuma shimbu vakiko navaya nakwiza, kaha vyuma vyosena vyatela kupwa *munganji mukananga*.

⁹⁰ Ove Kulishitu, omwo Nguli nakutanga hano, omu “vakiko vakimbwojekele hali echi, mumalambu amikoko na malambu ava pembe, kuyoyela mumena ahamavu, namumena akusendeleka, vakiko vakimbojokela, mwishi yakuyanajisa chaukenya, olozenyi, vatambwile Lufwelelo,” mwishi ya mulimo wavangelo, natuchina ngachilihi, nge Mwata Yesu mwaya nakutuhana membo amwaza, kaha jimotoka, nauvwalo, na vyakulya, kaha etu kuyayavala, etu kutwama nakujujuluka,

etu tunapu vovwa, etu kanda tweseke kulovoka na kulinga chumakana hali echi, natuchina ngachilihi, Kalunga?

⁹¹ Mamalelo, Ngwalombo ngana Ove uyenga nakuwemesa mwosena mumuchima wosena, chimene chino, Mwata, nge vathu vanahase kuhinduka na hali echi. Echa etu tuzate shimbu musana uli nakumwinyika, mwomwo musana ulinakuhita washiwashi nakushikumuka. Kaha kutona chili nakuya, kaha kulinakuya cheka lwolako. Nachiya nakuya nakwingila mu Hayamyaka.

⁹² Ove Kalunga, tuhane lelo nge etu tuli nakuya na chimweno chituta, na mangana, na kwivwushisa, kutachikiza omu mwakupandama kuli vakashili na kuneha vakiko kuli Kulishitu. Kwivwa kulomba cha ngamba Yove, Mwata.

⁹³ Ngwalombo, kachi kuli umwe hano, uze katachikiza Kulishitu nge Mulwilo wavo, nauya nakuzundula livoko lyove na kuhanjika, “Ngwanuke, Ndumbu walunga Branham”? Unahase kuzundula livoko lyove, nakuhanjika, “Ngwanuke. Ngwatondo kupwa Mukakulishitu. Kangwatondele kushina kala chumako”? Kalunga akukisule, kunyima okwo, mwane. Muthuumwe weka? Kuhanjika, “Ngwatondo kukatula livoko lyami, Ndumbu walunga Branham. Kaha Ngwatondo kwitavila Kulishitu, kupwa Mulwilo wami, Ngunazeneka ngolo, lwola lwosena. Mamalelo, Nanguya kuliuka, punduvene, Ngwapandama kuliuka.”



HEPELEU, KAPETULU WAMUCHIVALI 1 LVE57-0825M
(Hebrews, Chapter Two ¹)

MIKANDA YA KULINUNGA YA HEPELEU

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo chimene, Kukumi 25, 1957, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org